



B. 378.



V.
DE BIBLIOTHECIS ET MVSEIS
ERFORDIENSIBVS.

—
PRAECIPVE
DE REV. MINISTERII AVG. CONF.
BIBLIOTHECA.
PARTICVLA II.

—
QVA
AD EXAMEN VERNVM
D. XX. XXI. XXII. APRILIS MDCCC1.
IN GYMNASIO SENATORIO HABENDVM
INVITAT

ET
SYMBOLAS IN BIBLIOTHECAM
ET MVSEVM GYMNASII
PER SEMESTRE PRAETERITVM NONVM A BENE-
VOLENTIBVS COLLATAS RECENSET

GYMNASII DIRECTOR
M. IO. IOACH. BELLERMANN,
THEOL. P. P. O., PHIL. P. P. E., ACAD. EL. MOG. SCIENT. VTIL. SOCIVS
ET AB EPISTOLIS, SOCIETAT. LATINAE IENENS., OECON. LIPSIENS.
MINERAL. IENENS., PATRIOT. WESTPHAL. ET NAT. CVRIOSOR.
BROCKHUSA - WESTPHAL. SODALIS.

— 3 —
ERFORDIAE,
TYP. IOAN. CHRIST. GOERLING, Acad. TYPOGR.

Filum in nupero programmate abruptum, ambagibus missis, iam annexurus, quae de primi codicis manuscriptorum hebraicorum aetate et ratione literaria adhuc mihi dicenda videntur, afferam.

In latere paginae dictae sinistro, ubi codicis Punctator *Simson Menminon* de se suoque opere lectori rationem reddit, verba sequentia, septem lineis exarata, leguntur:

זר הספר סיימתי : נקדתי גם מסרתי : יום ה' פר' שמיני :
בעזר השם אדני : בכל ימים לחדש ואדר : בעזר נורא
ונאדר : בק"ג לפרט : ספר זה נחרט : ליורשי הנר' שלום :
ברצון שר השלום : אלהים חי וקים : שבידם יהיה
מקוים : ולבניהם אחריהם : לדורות דורותיהם : יצג
להם לעולם : עד שיעלה חמור בסלם : בארבע רגלים :
ולא בשתי ידים : אמן אמן אמן סלג | |

Quae si secundum verba vertas, sic se habent: „Codicem „hunc absolui, punctis instruxi, etiam Masoram adposui, die „quinto Paraschae Schmini (1) cum auxilio Dei Domini, die „vigesimo quarto mensis Veadar (2) cum auxilio Venerandi et „Gloriosi, anno 103 aerae minoris (3). Codex hic exaratus est „pro heredibus clarissimi Rabbi Schalomi (4), secundum volun- „tatem principis pacis, Dei nostri viui et immortalis, vt in manu „illorum sit perpetuus, et pro filiis eorum posteris in secula „seculorum. (Codex hic) relinquatur (5) illis in aeternum, „vsque dum ascendat asinus in scala quatuor pedibus, non „autem duabus manibus (6). Amen, Amen, Amen! Selah!“

1) Die quinto Paraschae Schmini, i. e. die quinto post Sab-
batum, quo Parascha s. sectio Schmini in synagoga legitur; haec
vero

3
vero Pentateuchi sectio *Schmini* dicitur, quia incipit „Vajhi bajom hasch ' *Schmini*, quae est vigesima sexta in libris Mosis, et Leuitici cap. 9, 1. ad c. 11, 47. comprehendit.

2) *Die vigesimo quarto mensis Veadar.* Punctator duplici modo diem, quo vocales et masoram absoluit, definit, nimirum et secundum septimanarum et mensium computum, s. secundum ecclesiasticam et politicam chronologiam. Septimana enim 26ta illius anni, vel potius septimana, qua Parascha 26ta legebatur, in mensem Veadar (i. e. mensem intercalarem s. embolismicum, ordine septimum) incidit.

3) *Anno 103 aerae minoris.* $\text{ק"ג} = 100 + 3$, i. e. 5103 aerae maioris, s. 1343 aerae christianae. V. Progr. praeced. p. 4.

4) Quisnam fuerit ille *celeberrimus Rabbi Schalom*, ob nomen patris omissum aegre erui poterit; quanquam multos Iudaeorum scriptores, qui hoc nomine inclaruerunt, in Wolfii bibliotheca hebr. videre licet. Ex verborum lusus studio Iudaeis solenni, Deus dicitur Princeps *pacis*, Sar hasch ' *Schalom*; quam ob rem nomen proprium possessoris non Schallum, vt I. H. Michaelis et M. F. Beckius voluerunt, sed Schalom cum Wolfio l. c. pronuntiandum puto. Compendium scribendi הנר est, vel רבי הנכבד honoratus Rabbi, vel הנעלה excellens, vel הנגיד princeps, vel הנדיב munificus.

5) *Relinquitur*, יצג, tres huius verbi consonantes efficiunt numerum 103, ' est $10 + 3 = 90 + 13 = 3$, quem literarum lusum Punctator ipse impositis coronamentis sic dictis significauit.

6) *Donec ascendat* et cet. Prouerbiali hac rabbinica locutione quodlibet, quod fieri nequit, indicatur, quae locutio sententiosa etiam in fine codicis Regiomontani occurrit. V. Eichhornii Repertor. f. b. u. m. Lit. Tom. XVI. p. 5. Aliud simile et tritum prouerbum rabbinicum est: אם יעלה חמור בסלם, „Si ascenderit asinus per scalam, inuenietur scientia in mulieribus.“ V. Buxtorffii lex rabb. in voce העור p. 788. Asinus vero duabus manibus, vulgo bipes, est homo stolidus. Ceterum septem manuscripti lineae duo de viginti

exitus verborum similes, s. versus nouem offerunt, quos Scriba punctis interpositis notauit.

A Scriba *Barucho*, Serachi filio et a Punctatore *Simstone Menminone* differt criticus Censor, nomine *Brutmark*, qui, praedecessoribus passim sub examen vocatis, observationes suas criticas in margine exhibuit. Ad vocem *הקלה* Habbac. I, 15. adiecit: *ואני המנקד ברוטמרק מצא חט פת דע* i. e. „*Etiam ego „Censor criticus Brutmark inueni Chatephpathach sub Ajin.“* Exod. 25, 19. *תעשה* „*facies*“ correxit hic glossematicus in *תעשו* „*facietis*“ contra sententiam Scribae et Punctatoris in margine adponendo *כל הכותב תעשה משנה כחבי משה* i. e. *quicumque scribit „facies“ corrumpit scripta Mosis.* Iud. II, 37. Scriba et Punctator habent *אל-ההרים* Criticus vero lectione *אל* non contentus mutauit illam in *על*, in margine afferens: *כן הוא מנה המסר הכותב אל תועה* i. e. *ita legendum est secundum Masoram, quicumque autem scribit אל, errat.* Eadem castigatione vsus est I Sam. 28, 23. *אל המטה* quam lectionem in *על* correxit, et sic porro.

Quonam tempore hic Criticus strenuus vixerit, non indicatum est; cum autem Simson Menminon sex tantum annos ante, quam hic codex in dira Iudaeorum persecutione a. 1349. destructioni a Christianis eriperetur, puncta et Masoram finiuit, spatio annorum 1343 — 1349 Brutmarkum glossemata sua adposuisse credo. — Libri Bibliorum singuli sequuntur ordinem thalmodicum sic dictum, ita vt liber Ruth praecedat Psalmos, Iobum, Prouerbia, Ecclesiasten et Threnos.

Superest, vt ea, quae de hoc codice hucusque scripta et acta sunt, breuibus adiciam. Codicis huius variantes lectiones *ter* collatae sunt, nimirum ab *Io. Henr. Michaelis*, a *Paulo Iac.*

Bruns

Bruns et a Christi. Guil. Diederichs; aliorum tentamina e. g. *Christi. Henr. Vogeli* et *Car. Fr. Bahrdt* nil nisi consilia et proposita mansere.

1) *Io. Henr. Michaelis*, Prof. Halensis, cum editionem Bibliorum hebr. egregiam sub initio huius seculi adornaret, manuscriptos codices hebraicos Erfordenses quinque commodatos, anno 1702 Halam missos, accepit. (Quinto codice postea Electori Moguntino a Senatu et Ministerio Aug. Conf. dono dato, et in Bibliothecam, quantum scimus, Schoenbornianam Gaybacom translato, quatuor tantum hodie hic seruantur.) Lectionum varietas in his codicibus obuia tunc temporis, prohi dolor! nec plene, nec satis accurate collecta est; nec mirum, quia b. Michaelis cum duodecim commilitonibus exemplaria viginti quatuor Bibliorum intra quindecim menses excussit, et non tantum eorum consonantes, sed et omnes vocales, accentus et reliquas minutias variantes respicere voluit. In Bibliis 1720, 8 maj. Halae editis, codex noster est *Manuscriptum Erfurtense primum*. Vid. I. D. Michaelis orient. Bibl. P. I. p. 207 sq.

2) *Paul. Jac. Bruns*, Consil. aulae et Prof. Helmstad. celeb. cum rogatu et mandato *Benj. Kennicotti* 1770—1772 iter per totam Germaniam, Galliam, Italiam, Heluetiam et Belgium faceret, et vbiq; codicum hebraicorum selectos locos inspiceret, Erfordenses quoque sub examen vocauit. Ex hac comparatione codicum originalium cum lectionis varietate in I. H. Michaelis Bibliis impressa id ortum est, quod operi splendidissimo Kennicottiano ex nostris codicibus insertum legitur. Collationem Bruonianam accuratissime esse institutam nemo inficias ibit, rei tamen gnarus concedet, hanc codicum inspectionem tantum *passim* s. selectis locis esse factam; ideoque etiam postea optandum erat, vt hi codices plenum examen, ab initio ad finem instituendum, subirent. Conf. „Kennicotti dissert. general.“ Vet. Test. annexa, p. 66. §. 156. Eichhornii Repertor. P. XIII. p. 200sq.

3) *Christian. Guil. Diederichs*, Prof. Regiomontanus denatus, duobus fere annis 1772—1773. hic commemoratus, hunc et tres reliquos codices summa cum diligentia consuluit, eosque a

capite ad calcem contulit, observationes vero ipsius, praeter paucas dein nominandas, nondum typis exscriptae sunt. Ipsi quidem omnem variantium thesaurum iunctim edendi animus fuit, praematura vero morte 1781 abreptus voto suo potiri non potuit. Defuncti Diederici pater, Consiliarius Pymontanus, qui ex optato *Casp. Fr. Lossii*, ad aed. Praedicator. Diaconi et Bibliothecarii meritissimi, collationes tertii et quarti codicis, duobus abhinc annis, Bibliothecae ministerii liberaliter dono misit, nostro Lossio scripsit, se nescire, quorsum collationes primi et secundi codicis venerint. Nuntio hoc tristi comperto mollius pectus precibus: vtinam haec duo variantium sectionum volumina, ubicunque sint, religiose seruentur! Atque haec ipsa est res: nam collationes has, quas apud Diedericum crebro in manu habui, in Bibliotheca Goettingensi pecunia comparatas asseruari, ex cel. Tychsenio, Prof. et ornamento Goettingensi audio.

Iam denique auctorum, qui de hoc codice egerunt, aut ex eo aliquid delibarunt, aut iudicium de eo tulerunt, scripta huc spectantia nominabo:

1) „Paraphrasis chaldaica primi libri Chronicorum hactenus inedita et multum desiderata, nunc vero e codice Mspto antiquo membranaceo Bibliothecae rev. minist. Erford. Aug. Conf. exscripta et publici iuris primum facta, cura atque opera *Matthiae Friderici Beckii*, Conf. et ecclesiae Augustanae ministri. Augustae Vindel. 1680. 4. pag. 299.“ Beckius non tantum textum chaldaicum nitide typis exscribi curavit, sed et versionem latinam et notas philologico-exegeticas adiecit.

2) „Dissertatio philologico-critica de codicibus Mss. biblico-hebraicis, maxime Erfurtensibus, Praeside *I. H. Michaelis* pro privilegiis Magistri Philos. et Art. rite impetrandis, placido eruditorum examini sistit *Abraham Kall*, Flensburgo-Cimber. Halae Magdeb. 1706. 4. 36 pag.“ Kallius, cui Michaelis operam tulit, codices erudite descripsit.

3) *Io. Henr. Michaelis* in praefatione editioni suae Biblior. hebr. praefixa, a. 1720 edita, perpauca pag. 3. de codd. his at ulit, et lectores ad dictam dissertationem Kallianam ablegavit.

4)

4) *Io. David Michaelis* varia de his codicibus notavit in sua „Orientische Bibliothek, Thl I. p. 211 sqq. Thl III. p. 208 seq. Thl VI. p. 238. Thl IX. pag. 20. Thl. XVIII. p. 63.

5) „*I. Cbr. Guil. Diederichs* specimen variantium lectionum codicum hebr. MSS. Erfurtensium in Psalmis. Göttingae 1775. 4. 38 pag.“ quo in specimine auctor 200 variantes et majoris et minoris momenti lectiones in Psalmis obvias, exhibuit, et „Additamentum lectionum quarumdam in Iobo“ in calce subject.

6) *Benj. Kennicott*, seu potius *cel. P. I. Bruns*, qui hujus codicis et multorum exterorum breves descriptiones et iudicia de iisdem, Kennicotto ministravit, in „Dissertatione generali“ editioni Vet. Test. hebr. (Tom. II. Oxonii 1780 fol. maj.) annexa, de nostro codice p. 85. affirmat: „*Celeberimus hic codex Erfurtensium primus pro certo inter optimos numerandus est, nec inferiores meretur laudes haec chaldaica paraphrasis, quae egregias habet variationes.*“

Apud Kennicottum et apud de Rossi noster codex est 160 mus. In „Catalogo codd. manuscriptor. hebr. cum aetatibus“, operi Kennicottiano p. 110 annexo, hujus codicis aetatem speciatim indicatam non invenimus, tantummodo annus, quo Punctator vocales, accentus et duplicem Masoram signare absolvit, 1343, adpositus est. Punctatorem vero sequiori aetate vocales textui adjunxisse, extra omnem dubitationis aleam positum est, quia plura folia non punctata adhuc supersunt, quae Consonantium scriba ob mendum commissum bis exaraverat. Hinc non erratum iri putamus, si nostrum codicem versus finem seculi decimi tertii, fortassis ali-quod tempus antea scriptum fuisse, et jam annum quingentesimum et quod excurrit aegre affirmemus.

Dum more consueto incrementum, quod praeteriti semestris spatio expertum est Gymnasium, paucis hic significamus, omnibus, studiorum patriorum et domesticorum amantibus, qui benigne Museo et Bibliothecae fecerunt, gratias habemus quantas maximas animi nostri concipere possunt.

Herr J. A. W. Büchner, kön. dän. Justizrath, Med. Doct. und Physicus zu Bergen in Norwegen. (viert. Beitr.): eine Kiste mit 90 Bänden an Büchern, 36 Münzen, 4 Stück Seegewächsen und 5 anderen Merkwürdigkeiten. Unter den Büchern befindet sich Diogenes Laertius, gr. et lat.; Xenophon de Cyri institutione, gr. Lond. ed. Hulschins Statius, Lugd. Bat.; Martialis, Amst.; Vegetius et al. script. de re milit.; Cicero. ep. ad fam. Amst.; Catulli, Tibulli et Propertii opera, Lond.; Norisii commentar. rer. romanar.; Thormo de Torfaei Grönlandia antiqua; Jonas Rami Norvegia antiqua; Dapper exoticus curiosus; Gärtler origines mundi; Der deutsche Euklides; Köhlers Münzbelastigungen, 6 Bde; Burnets Reise durch die Schweiz; Merklins Thierbuch; Hagedorns Werke 3 Ede; Hallers Schweizergedichte; Tassoni pensieri diversi, Vener. &c. Unter den Münzen befinden sich mehrere alte seltene dänische, norwegische, schwedische und holsteinische; desgl. ein hebräischer Silberseckel, eine päbstl. Münze von Innocent. XI., die 2 silbernen Denkmünzen auf die Hinrichtung Ludw. XVI. und der Kö-nigin

nigin von Frankr. von Loos, u. s. w. Die Seegewächse sind ein schöner Korallenbaum mit Madreporen; ein vegetabilisches Seegew. mit unzähligen Polyphenhäusern und einem Medusenhaupt; ein Schwammartiges Seegewächs, und einige Korallen. Die diversen Merkwürdigkeiten sind: dichtes Nelkenbaumholz, Schifferpässe aus Messina, Barcellona und Amerika u dergl. mehr. Herr Prof. Salzmann in Schnepfenthal (viert. Beitr.) eine schöne Sammlung von 54 Stück geschliffenen und polirten Marmor-Porphyr- und Granit-Arten, welche in der Marmorfabrik zu St. Georgen bei Baireuth verarbeitet werden. — Herr D. J. J. Bernhardt hat nicht allein das Mineralienkabinet nach Karsten systematisch geordnet, sondern auch 18 Stück in der Sammlung fehlende Fossilien-Arten demselben verehrt, als: Spinell, Hyacinth, Leucit, Lepidolith u. s. w. desgl. drei Korallengewächse. — Herr D. H. Schorch, (dritt. Beitr.) sechs Stück Münzen. — Herr Graf Fried. v. Beust (zweit. Beitr.) Dessen sächs. Provinzialblätter, Jahrg. 1800. — Herr Synd. D. Schorch (dritt. Beitr.) eine dänische Silbermünze. — Herr Apotheker Bucholz, (zweit. Beitr.) einen alten böhmischen Silber-Groschen von Wencesl. II. — Gymnas. Kummer: (zweit. Beitr.) eine Schweizerische Silber-Münze und eine kupf. Medaille. — Herr J. B. B. vier Stück Mineralien, als Asbest, Streatit, angeschliffenen Schalkalk und Bergkrystall. Dieses und alles übrige, was hier, wegen Mangel an Raum, einzeln nicht genannt werden kann, steht in dem Buche mit dem goldenen Titel: „Dem Andenken der Beförderer des Guten an dem Erfurtischen Rathsgymnasium gewidmet.“

His praemissis juvenes literis elegantioribus probe exultos et ad subsellia academica publice promovendos indicamus, nimirum

ADOLPHVM CAROLVM GVILIELMVM GRAEF, Erfordienssem, qui tertio examinis die „*De eximia studiorum humaniorum utilitate*„ latine declamabit, et

IUSTUM NAGEL, Erford. qui „*De Mythologia ad Medicinam spectante*„ sub finem examinis latine perorabit, et, tubis clangentibus tympanisque admurmurantibus gratias, quibus debentur, acturus, suo, commilitonisque simul promovendi nomine, vale dicet. Vterque probatissimis moribus per omne quinquennium, quo nostras lectiones diligentissime frequentavit, conspicuus, desiderium sui apud nos relinquit. Prior castra Theologorum, posterior Medicorum sequetur. Insuper sub examinis initium alumnus optimae spei

JO. GEORG. SCHAEER, Erford. orationem itidem a se compositam latinam „*De iuvenum romanorum studiis artibusque a viris nobilibus republica florente vel magni vel parvi habitis*“ habebit.

Quos ad actus solemnes *Viros Magnificos, Patronos amplissimos, Ephoros venerandos et omnes studii scholastici amicos humanissime invitamus. Dd. d. XVIII. Aprilis MDCCC.*

Aa 535

40



VD18

ULB Halle

3

005 126 69X



M. C.





DE BIBLI
EP

DE REV. M
B

AD EX
D. XX
IN GYMNAS

SYMBOL
ET
PER SEMESTR
VOLENT

GY

M. IO. IO.
THEOL. P. P. O., PHIL
ET AB EPISTOLIS, S
MINERAL. IENENS
BRO

Typ. IOAN. C

SEIS

ONF.

V M

DVM

AM

BENE-

NN,
CIL. SOCIVS
LIPSIENS.
RIOSOR.

POGR,

